

Mit Bubblegum ond Sauerklee

1.

Der Wald, der war fei riesengroß,
die Bäum no brutal viel größer,
mim Hans ond mit em Fritz semmer nei ins Moos.
Hemmer ons jetzt verloffa, oder deischt mes bloß ?
Em Dungal knackt's, an Mensch, a Dier?
Oder vielleicht an Wolf an Beser?

2.

Mir waret jung, so 12 Johr alt,
und hän gläbt grad nach unserm Gschmack.
Händ Lägerla baut dief drin im Wald,
ons wars nie z'warm ond au nie z'kalt.
Koin Honger hemmer kett und für der schlimmsta Fall
Hilft dr Bäradreck aus m Hosasack

**An Bubblegum ond an Sauerklee
Meh brauchsch net, s wär jo glacht
Da bin i kockt mit meine Freind am See
Molch hämmer gfangen für a Zehnerle
Zum Schlüter hämmer se ganz stolz nobracht**

3.

Wie d'Indianer gschlich semmer sowieso
Mit Pfeil und Boga auf Bärajagd
ond wens gsoicht hat ha do war mer froh
Daß mr a Höhle ket hat irgendwo
Tief drin im Wald, ausgäh hat mr wie d Sau
So daß d'muadr oin abends glei an de Ohra packt

**An Bubblegum ond an Sauerklee
Meh brauchsch net, s wär jo glacht
Da bin i kockt mit meine Freind am See
Molch hämmer gfangen für a Zehnerle
Zum Schlüter hämmer se ganz stolz nobracht**